



I po cumenzar

Il temp fin ch'ina da las pli bellas festas da jodladers en l'istorgia cumenza finalmain a Tavau na dumbrain nus betg pli en mais u emnas. Mo anc dis ed uras ans separan dal grond eveniment, per il qual tuts han lavurà e bramà uschè ditg.

Newsletter

Ussa èsi numnadamain uschè lunsch. Davant la culissa da muntognas maies-tusa da Tavau Claustra vegn ad avair lieu dals 3 fin ils 6 da fanadur ina festa da jodladers superlativa. Nus na manegiain betg las massas da visitaders, malgrà che nus vulain parter nossa festa grondiusa cun uschè blers collegas sco pussaivel. Ma precis il conturn alpin che vegn a procurar per il sentiment unic da questa festa ans sforza dad esser modests e da prender cun nus per segirtad in pullover. Lura poi però cumenzar:

La gievgia a las 16.30 avra la festa il forum «Jau e nossas tradiziuns» en il center da congress. I sa tracta d'ina collavuraziun da la Scola auta da Lucerna e da la Societad federala da jodladers. A partir da las 19.30 cumenza la festa en la tenda da parti sin la piazza da parcar Metz. La giuventetgna avra la saira cun il musical «Urueh am Jodlerfäscht». Vinavant vai cun il chor d'uffants Randulina, ils sunatibas giuvens da la Scola da musica Landquart e conturn ed il trio da ländlers Durenand. Entrada cun l'ensaina da la festa u cun in bigliet da la saira spezial per 10 francs per creschids resp. 5 francs per uffants.

Ilis organisaturs beneventan lur giasts en occasiun da l'avertura da la festa il venderdi a las 13.30. Tschertins èn envidads, ils blers sa legran però simpl-main da la festa dals usits svizzers cun jodladers, sunatibas e bittabandieras en las muntognas grischunas. Era l'Aviatica militara svizra visita la festa da jodladers a las 16.00 cun ina preschentaziun da la Patrouille Suisse. Ed ils emprims activs stattan gia suentermezdi baud sin las tribunas. Là suonda ina represchentaziun l'autra fin tard la saira.

La sonda è deditgada plainamain a las numerusas represchentaziuns dals activs. L'unica interrupziun è in'ulteriura preschentaziun da la Patrouille Suisse a las 12.30. En la tenda da parti in pau da la vart ha lieu ina concorrenza da la giuventetgna da la musica populara per il pitschen Prix Walo/Sprungbrett. Er il musical «Urueh am Jodlerfäscht» vegn interpretà a las 20.15 anc ina giada en il center da congress. Cura ch'ils activs han fatg lur represchentaziun, dattan els l'attenziun al «gässlen» cun laschar prender part tuts a lur plaschair vi da la festa. E la tensiun han tuts pers il pli tard la sonda saira tard. Uschia datti spazi per in'atmosfera festiva ed allegra.

Gia da bun'ura il proxim di vai però vinavant. L'act festiv en l'Arena Valliant cun 5'000 plazs da seser cumenza a las 9.00. Ilis Grischuns ospitants surpren-dan cun ina premiera e tut las chanzuns da chor or da tantas gulas empermet-tan da vegnir formidablas. Il suentermezdi datti a partir da las 14.00 in cortegi cun 64 temas lung la promenade da Tavau. Quai è in ultim punct culminant fitg varià ed ina preschentaziun impressiunanta da la lavur e la tradiziun indi-gena.

